

观世音菩萨得大势 菩萨受记经

刘宋黄龙沙门释 昙无竭 译



南無本師釋迦牟尼佛


说明

根据《乾隆大藏经》大乘单译经，第 0391 部，刘宋黄龙沙门释昙无竭译《观世音菩萨得大势菩萨受记经》原藏影印本校对。句读仅作参考。

本电子书是免费结缘品。特此说明。

仁慧草堂

二〇二〇年十月



扫码关注仁慧草堂微信公众号

● 起诵仪

诵经警示文

1. 未诵前，漱口澡手。当净三业。若三业无亏，则百福俱集。三业者，身口意也。端身正坐，如对圣容，则身业净也。口无杂言，断诸嬉笑，则口业净也。意不散乱，屏息万缘，则意业净也。

2. 未诵前，已诵后，俱要对圣像前合掌三礼。如无佛像，对经对空礼拜亦可。

香赞

(一遍)

炉香乍爇，法界蒙薰，诸佛海会悉遥闻，随处结祥云，诚意方殷，诸佛现全身。

南無香云盖菩萨摩诃萨 (合掌三称)

南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

观世音菩萨得大势菩萨受记经¹

刘宋黄龙沙门释 昙无竭 译²

如是我闻：

一时，佛在波罗奈仙人鹿苑中，与大比丘众二万人俱，菩萨万二千，其名曰：师子菩萨、师子意菩萨、安意菩萨、无喻意菩萨、持地菩萨、那³罗达菩萨、神天菩萨、宝⁴事菩萨、伽睺多菩萨、贤力菩萨、明天菩萨、爱喜菩萨、文殊师利菩萨、智行菩萨、专行菩萨、现无痴⁵菩萨、弥勒菩萨，如是等上首菩萨摩訶萨万二千人俱。复有二万天子，善界天子、善住天子等以为上首，皆住大乘。

尔时，世尊与无量百千眷属围绕而为说法。

尔时，会中有一菩萨，名华德藏，即从坐起，偏袒右肩，右膝著地，合掌向佛，而作是言：“惟愿世尊，赐我中间，欲有所问。”

佛告华德藏菩萨：“恣汝所问，诸有疑者，吾已知之，当为解说，令汝欢喜。”

¹ 丽本：观世音菩萨授记经；永乐北藏本及龙藏本：观世音菩萨得大势菩萨受记经

² 丽本：宋黄龙国沙门昙无竭译；永乐北藏本及龙藏本：

³ 丽本：般；永乐北藏本及龙藏本：那

⁴ 丽本：实；永乐北藏本及龙藏本：宝

⁵ 丽本：碍；永乐北藏本及龙藏本：痴

尔时，华德藏白佛言：“世尊！菩萨摩訶萨云何不退转于阿耨多罗三藐三菩提及五神通，得如幻三昧，得是三昧⁶，以善方便能化其身，随众形类所成善根而为说法，令得阿耨多罗三藐三菩提？”

佛告华德藏菩萨摩訶萨：“善哉！善哉！能于如来等正觉前问如是义。汝华德藏，已于过去诸佛植⁷诸善根，供养无数百千万亿诸佛世尊，于诸众生兴大悲心。善哉！华德藏，谛听！谛听！善思念之！当为汝说。”

对曰：“唯然！愿乐欲闻。”

佛告华德藏菩萨摩訶萨：“成就一法，得如幻三昧。得是三昧，以善方便能化其身，随众形类所成善根而为说法，令得阿耨多罗三藐三菩提。何等一法？谓无依止。不依三界，亦不依内，又不依外，于无所依得正观察。正观察已，便得正尽，而于觉知无所损减。以无减心悉度正慧，谓一切法从缘而起，虚假而有。一切诸法因缘而生，若无因缘，无有生法。虽一切法从因缘生，而无所生。如是通达无生法者，得入菩萨真实之道，

⁶ 丽本：昧；永乐北藏本及龙藏本：昧，得是三昧

⁷ 丽本：殖；永乐北藏本及龙藏本：植

亦名得入大慈悲心，怜愍度脱一切众生。善能深解如是义已，则知一切诸法如幻，但以忆想语言造化法耳。然此忆想语言造化诸法，究竟悉空。善能通达诸法空已，是名速得如幻三昧。得是三昧⁸，以善方便能化其身，随众形类所⁹成善根而为说法，令得阿耨多罗三藐三菩提。”

尔时，华德藏菩萨摩訶萨白佛言：“世尊！于此众中，颇有菩萨得是三昧乎？”

佛言：“有！今是会中，弥勒菩萨、文殊师利等六十正士，不可思议大誓庄严，得是三昧。”

又白佛言：“世尊！唯此世界菩萨得是三昧，他方世界复有菩萨，成就如是如幻三昧？”

佛告华德藏：“西方过此亿百千刹，有世界名安乐，其国有佛，号阿弥陀如来、应供、正遍知，今现在说法。彼有菩萨，一名观世音，二名得大势，得是三昧。复次，华德藏，若有菩萨从彼正士，七日七夜听受是法，即便¹⁰速得如幻三昧。”

华德藏菩萨白佛言：“世尊！彼国应有无量菩萨得是三昧。何以故？其余菩萨生彼国者，皆

⁸ 丽本：三昧已；永乐北藏本及龙藏本：是三昧

⁹ 丽本：而；永乐北藏本及龙藏本：所

¹⁰ 丽本：便；永乐北藏本及龙藏本：即便

当往至彼正士所，听受是法。”

佛言：“如是，如是！如汝所言。有无量阿僧祇菩萨摩訶萨，从彼正士得是三昧。”

华德藏菩萨白佛言：“善哉！世尊、如来、应供、正遍知！愿以神力，令彼正士至此世界，又令彼此两得相见。何以故？以彼正士至此刹故，善男子、善女人成善根者，闻其说法得是三昧；又愿见彼安乐世界阿弥陀佛，令此善男子、善女人发阿耨多罗三藐三菩提心，愿生彼国。生彼国已，终¹¹不退转阿耨多罗三藐三菩提。”

尔时，世尊受彼请已，即放眉间白毫相光，遍照三千大千国土，于此世界草木土石、须弥山王、目真邻陀山、大目真邻陀山、斫迦罗山、大斫迦罗山，乃至世界中间幽冥之处，普皆金色，莫不大明。日月晖曜及大力威光，悉不复现。遍照西方亿百千刹乃至安乐世界，悉皆金色。大光右绕彼佛七匝，于如来前廓然不现。

彼国众生、菩萨、声闻悉见此土及释迦文与诸大众围绕说法，犹如掌中观阿摩勒果，皆生爱乐欢喜之心，唱如是言：“南无释迦如来、应供、正遍知。”

¹¹ 丽本：绝；永乐北藏本及龙藏本：终

于此众会，比丘、比丘尼、优婆塞、优婆夷、天、龙、夜叉、乾闥婆、阿修罗、迦楼罗、紧那罗、摩睺罗伽、人、非人等，释梵四天王、菩萨、声闻，皆见安乐世界阿弥陀佛，菩萨、声闻眷属围绕，晃若宝山高显殊特，威光赫奕普照诸刹，如净目人于一寻内睹人面貌明了无碍。既见是已，欢喜踊跃，唱如是言：“南无阿弥陀如来、应供、正遍知。”

时，此众中八万四千众生皆发阿耨多罗三藐三菩提心，及种善根，愿生彼国。

尔时，安乐世界菩萨、声闻见此刹已，怪未曾有，欢喜合掌，礼释迦牟尼如来、应供、正遍知，作如是言：“南无释迦牟尼佛，能为菩萨、声闻说如是法！”

尔时，安乐世界六种震动，动、遍动、等遍动，摇、遍摇、等遍摇，震、遍震、等遍震。

尔时，观世音及得大势菩萨摩訶萨白彼佛言：“甚奇！世尊！释迦如来现希有事。何以故？彼释迦牟尼如来、应供、正遍知，少现名号，令无量¹²大地六种震动。”

尔时，阿弥陀佛告彼菩萨：“释迦牟尼不但

¹² 丽本：想；永乐北藏本及龙藏本：量

此土现其名号，其余无量诸佛世界悉现名号。大光普照六种震动，亦复如是。彼诸世界无量阿僧祇众生，闻释迦牟尼称誉名号，善根成就，皆得不退转于阿耨多罗三藐三菩提。”

时，彼众中四十亿菩萨，闻释迦牟尼如来、应供、等正觉名号，同声发愿，善根回向阿耨多罗三藐三菩提。佛即授记，当得阿耨多罗三藐三菩提。

尔时，观世音及得大势菩萨摩訶萨，诣彼佛所，头面礼足，恭敬合掌，于一面住，白佛言：“世尊！释迦牟尼放此光明，何因何缘？”

尔时，彼佛告观世音：“如来、应供、等正觉放斯光明，非无因缘。何以故？今日释迦牟尼如来、应供、正遍知将欲演说菩萨珍宝处三昧经，故先现瑞。”

尔时，观世音及得大势菩萨摩訶萨白佛言：“世尊！我等欲诣娑婆世界，礼拜供养释迦牟尼佛，听其说法。”

佛言：“善男子，宜知是时。”

时，二菩萨即相谓言：“我等今日定闻彼佛所说妙法。”

时，二菩萨受佛教已，告彼四十亿菩萨眷属：

“善男子，当共往诣娑婆世界，礼拜供养释迦牟尼佛，听受正法。何以故？释迦牟尼如来、应供、等正觉能为难事，舍净妙国，以本愿力，兴大悲心，于薄德少福、增贪恚痴、浊恶世中，成阿耨多罗三藐三菩提，而为说法。”

说是语时，菩萨、声闻同声叹言：“彼土众生得闻释迦牟尼如来、应供、正遍知名号，快得善利，何况得见发欢喜心！世尊！我等当共诣彼世界，礼拜供养释迦牟尼佛¹³。”

佛言：“善男子，宜知是时。”

尔时，观世音及得大势菩萨摩訶萨与四十亿菩萨前后围绕，于彼世界以神通力各为眷属化作四十亿庄严宝台。是诸宝台纵广十二由旬，端严微妙。其宝台上，有处黄金，有处白银，有处琉璃，有处颇梨，有处赤珠，有处砗磲¹⁴，有处码瑙¹⁵，有处二宝黄金、白银，有处三宝金、银、琉璃，有处四宝黄金、白银、琉璃、颇梨，有处五宝金、银、琉璃、颇梨、赤珠，有处六宝黄金、白银、琉璃、颇梨、砗磲¹⁶、赤珠，有处七宝，

¹³ 丽本：尼佛；永乐北藏本及龙藏本：尼；校勘：尼佛

¹⁴ 丽本：车渠；永乐北藏本及龙藏本：砗磲

¹⁵ 丽本：马瑙；永乐北藏本及龙藏本：码瑙

¹⁶ 丽本：车渠；永乐北藏本及龙藏本：砗磲

乃至码瑙¹⁷。又以赤珠、梅檀、优钵罗、钵昙摩、拘物头、分陀利而庄严之。

又雨须曼那华、瞻卜华、波罗罗华、阿提目多华、罗尼华、瞿罗尼华、曼陀罗华、摩诃曼陀罗华、波楼沙华、摩诃波楼沙华、曼殊沙华、摩诃曼殊沙华、卢遮那华、摩诃卢遮那华、遮迦华、摩诃遮迦华、苏楼至遮迦华、梅那华、摩诃梅那华、苏楼至梅檀那华、梅奴多罗华、他罗¹⁸华、摩诃他罗¹⁹华，其宝台上种种杂色，徧²⁰烂炜晔清净照耀。

诸宝台上，有化玉女八万四千，或执箜篌、琴瑟、箏笛、琵琶、鼓贝，如是无量众宝乐器，奏微妙音，俨然而住。或有玉女，执赤梅檀香、沉水梅檀香，或执黑沉水梅檀香，俨然而住。或有玉女，执优波罗、波头摩、拘物头、分陀利华²¹，俨然而住。或有玉女，执曼陀罗华、摩诃曼陀罗华、波楼沙华、摩诃波楼沙华、卢遮那华、摩诃卢遮那华、梅那华、摩诃梅那华、苏楼至梅那华、遮迦华、摩诃遮迦华、苏楼至遮迦华、陀

¹⁷ 丽本：马瑙；永乐北藏本及龙藏本：码瑙

¹⁸ 丽本：遯；永乐北藏本及龙藏本：罗

¹⁹ 丽本：遯；永乐北藏本及龙藏本：罗

²⁰ 丽本：斑烂；永乐北藏本及龙藏本：徧烂

²¹ 丽本：华；永乐北藏本及龙藏本：华果

罗华、摩诃陀罗华、苏楼至陀罗华，庄严而住。或有玉女，执一切华果，俨然而住。

诸宝台上，众宝庄严师子之座，座上皆有化佛，三十二相、八十种好而自严身。台上各悬八万四千青黄赤白杂真珠，贯诸宝台上。各有八万四千众妙宝瓶，盛满末香，列置其上。诸宝台上，各有八万四千众宝妙盖弥覆其上。诸宝台上，各有八万四千众妙²²宝树植立²³其上。诸宝台上，各有八万四千宝铃罗网²⁴罗覆其上。诸宝树间有七宝池，八功德水盈满其中。青黄赤白杂宝莲华，光色鲜映。微风吹动，众宝行树出微妙音，其音和雅踰于天乐。诸宝台上，各有八万四千众妙宝绳连绵树间。一一宝台，光明照耀八万四千由旬，莫不大明。

尔时，观世音及得大势菩萨摩诃萨与其眷属八十²⁵亿众诸菩萨俱，庄严宝台悉皆同等，譬如力士屈伸臂顷，从彼国没，至此世界。

时，彼菩萨以神通力，令此世界地平如水，与八十亿菩萨前后围绕，以大功德庄严成就，端严殊特无可为喻，光明遍照娑婆世界。

²² 丽本：众；永乐北藏本及龙藏本：众妙

²³ 丽本：殖；永乐北藏本及龙藏本：植立

²⁴ 丽本：罗；永乐北藏本及龙藏本：罗网

²⁵ 丽本：千；永乐北藏本及龙藏本：十

是诸菩萨诣释迦牟尼佛所，头面礼足，右绕七匝，却住一面，白佛言：“世尊！阿弥陀佛问讯世尊，少病少恼，起居轻利，安乐行不？”

又现彼土庄严妙事时，此菩萨及声闻众见此宝台众妙庄严，叹未曾有，各作是念：“此诸宝台庄严微妙，从安乐国至此世界，为是佛力？菩萨力耶？”

尔时，华德藏菩萨承佛神力白佛言：“甚奇！世尊！未曾有也！今此娑婆世界，众妙宝台庄严如是，是谁威力？”

佛言：“是观世音及得大势神通之力，于此世界现大庄严。”

“甚奇！世尊！不可思议！彼善男子愿行清净，能以神力庄严宝台现此世界。”

佛言：“如是，如是！如汝所说，彼善男子已于无数亿那由他百千劫中，净诸善根，得如幻三昧。住是三昧，能以神通变化现如是事。又，华德藏，汝今且观东方世界，为何所见？”

时，华德藏即以菩萨种种天眼观于东方恒河沙等诸佛世界，见彼佛前皆有观世音及得大势，庄严如前，恭敬供养，皆称：“阿弥陀佛问讯世尊，少病少恼，起居轻利，安乐行不？”南西北

方、四维上下亦复如是。

尔时，华德藏菩萨见是事已，欢喜踊跃，得未曾有，而白佛言：“甚奇！世尊！今此大士乃能成就如是三昧。何以故？今此正士能现庄严是诸佛刹。”

尔时，世尊即以神力，令此众会见是事已，三万二千人发阿耨多罗三藐三菩提心。

华德藏菩萨白佛言：“世尊！是二正士，久如发阿耨多罗三藐三菩提心，于何佛所？唯愿说之，令诸菩萨，修此愿行具足成就。”

佛言：“谛听！善思念之，当为汝说。”

“善哉！世尊！愿乐欲闻。”

佛言：“乃往过去广远无量不可思议阿僧祇劫，我于尔时为百千王。时初大王劫欲尽时，有世界名无量德聚安乐示现，其国有佛，号金光狮子游戏如来、应供、正遍知、明行足、善逝、世间解、无上士、调御丈夫、天人师、佛、世尊，是佛刹土所有清净严饰之事，今为汝说。于意云何？安乐世界阿弥陀佛国土所有严净之事，宁为多不？”

答曰：“甚多！不可思议，难可具说。”

佛告华德藏：“假使有人，分析一毛以为百

分²⁶，以一分毛滴²⁷大海水，于意云何？一毛端水于大海水，何者为多？”

答曰：“海水甚多，不可为譬。”

“如是，华德藏，应作是知，阿弥陀国庄严之事如毛端水，金光师子游戏佛国如大海水。声闻、菩萨差降亦尔。彼金光师子游戏如来亦为众生说三乘法。我于恒沙等劫说此佛国功德庄严、菩萨声闻快乐之事，犹不能尽。尔时，金光师子游戏如来法中有王，名曰威德王。千世界正法治化，号为法王。其威德王多诸子息，具二十八大人之相。是诸王子，皆悉住于无上之道。王有七万六千园观，其王诸子游戏其中。”

华德藏白佛言：“世尊！彼佛刹土有女人耶？”

佛言：“善男子，彼佛国土尚无女名，何况有实？其国众生净修梵行，纯一化生，禅悦为食。彼威德王于八万四千亿岁，奉事如来不习余法。佛知至心，即为演说无量法印。何等为无量法印？华德藏菩萨，凡所修行，应当发于无量誓愿。何以故？菩萨摩訶萨布施无量、持戒无量、忍辱无量、精进无量、禅定无量、智慧无量、所行六度

²⁶ 丽本：毛；永乐北藏本及龙藏本：分

²⁷ 丽本：滴；永乐北藏本及龙藏本：滴

摄生死无量、慈愍众生无量、庄严净土无量、成就色无量²⁸、音声无量、辩才无量。华德藏，乃至一念善根²⁹应回向无量。云何回向无量？如回向一切众生，令一切众生得无生证，以佛涅槃而般涅槃，是名回向无量。无量³⁰空无量、无相无量、无愿无量，无行如是，无欲实际，法性无生，无著解脱，涅槃无量。善男子，我但略说诸法无量。何以故？以一切法无³¹限量故³²。

“复次，华德藏，彼威德王于其园观，入于³³三昧。其王左右有二莲华从地涌³⁴出，杂色庄严，其香芬馥，如天栴檀。有二童子化生其中，加趺而坐。一名宝意，二名宝上。时，威德王从禅定起，见二童子坐莲华藏，以偈问曰：

汝为天龙神³⁵ 夜叉鸠槃荼³⁶

为人为非人 愿说其名号

“时，王右面童子以偈答曰：

一切诸法空 云何问名字³⁷

²⁸ 丽本：量；永乐北藏本及龙藏本：量、成就色无量

²⁹ 丽本：相；永乐北藏本及龙藏本：根

³⁰ 丽本：边；永乐北藏本及龙藏本：量

³¹ 丽本：无有；永乐北藏本及龙藏本：无

³² 丽本：量；永乐北藏本及龙藏本：量故

³³ 丽本：于；永乐北藏本及龙藏本：于

³⁴ 丽本：踊；永乐北藏本及龙藏本：涌

³⁵ 丽本：王；永乐北藏本及龙藏本：神

³⁶ 丽本：荼；永乐北藏本及龙藏本：茶

³⁷ 丽本：号；永乐北藏本及龙藏本：字

过去法已灭 当来法未生
现在法不住 仁者问谁名
空法亦非人 非龙非罗刹
人与非人等 一切不可得

“左面童子而说偈言：

名名者悉空 名名不可得
一切法无名 而欲问名字
欲求真实名 未曾所见闻
夫生法即灭 云何而问名
说名字语言 皆是假施設
我名为宝意 彼名为宝上

“华德藏，是二童子说是偈已，与威德王俱诣佛所，头面礼足，右绕七匝，合掌恭敬于一面住。

“时，二童子即共同声，以偈问佛：

云何为供养 无上两足尊
愿说其义趣 闻者当奉行
华香众伎乐 衣服³⁸药卧具
如是等供养 云何为最胜

“尔时，彼佛即为童子而说偈言：

当发菩提心 广济诸群生

³⁸ 丽本：食；永乐北藏本及龙藏本：服

是则供正觉 三十二明相
设满恒沙刹 珍妙庄严具
奉献诸如来 及欢喜顶戴
不如以慈心 回向于菩提
是福为最胜 无量无有边
余供无过者 超踰不可计
如是菩提心 必成等正觉

“时，二童子复说偈言：

诸天龙鬼神 听我师子吼
今于如来前 弘誓发菩提
生死无量劫 本际不可知
为一众生故 尔数劫行道
况此诸劫中 度脱无量众
修行菩提道 而生疲倦³⁹心
我若从今始 起于贪欲心
是则为欺诳 十方一切佛
瞋恚愚痴垢 悭嫉亦复然
今我说实语 远离于虚妄
我若于今始 起于声闻心
不乐修菩提 是则欺世尊
亦不求缘觉 自济利己身

³⁹ 丽本：倦；永乐北藏本及龙藏本：倦

当于万亿劫 大悲度众生
如今日佛土 清净妙庄严
令我得道时 超踰亿百千
国无声闻众 亦无缘觉乘
纯有诸菩萨 其数无限量
众生净无垢 悉具上妙乐
出生于正觉 总持诸法藏
此誓若诚实 当动大千界
说如是偈已 应时普震动
百千众伎乐 演发和雅音
光曜⁴⁰微妙服 旋转而来降
诸天于空中 雨散众末香
其香普流熏 悦可众生心

佛告华德藏：“于汝意云何？尔时威德王者岂异人乎？我身是也。时二童子，今观世音及得大势菩萨摩訶萨是也。善男子，是二菩萨于彼佛所初发阿耨多罗三藐三菩提心。”

尔时，华德藏白佛言：“甚奇！世尊！是善男子未曾发心成就如是甚深智慧，了达名字悉不可得。世尊！是二正士于彼先佛已曾供养作诸功德？”

⁴⁰ 丽本：耀；永乐北藏本及龙藏本：曜

“善男子，此恒河沙悉可知数，而此大士先供养佛种诸善根不可称计。虽未发于菩提之心，而以不可思议而自庄严，于诸众生为最勇猛。”

尔时，华德藏菩萨白佛言：“世尊！其无量德聚安乐示现国土，为在何方？”

佛言：“善男子，今此西方安乐世界，当于尔时号无量德聚安乐示现。”

华德藏菩萨白佛言：“世尊！愿为解说，令无量众生得大利益。是观世音于何国土成等正觉？世界庄严光明名号，声闻、菩萨寿命所有，乃至成佛，其事云何？若世尊说是菩萨先所行愿，其余菩萨闻是愿已，必当修行而得满足。”

佛言：“善哉！谛听！当为汝说。”

对曰：“唯然！愿乐欲闻。”

佛言：“善男子，阿弥陀佛寿命无量百千亿劫当有终极。善男子，当来⁴¹远不可计劫，阿弥陀佛当般涅槃。般涅槃后，正法住世等佛寿命。在世灭后，所度众生悉皆同等。佛涅槃后，或有众生不见佛者，有诸菩萨得念佛三昧，常见阿弥陀佛。复次，善男子，彼佛灭后，一切宝物、浴池、莲华、众宝行树，常演法音与佛无异。善男

⁴¹ 丽本：广；永乐北藏本及龙藏本：旷

子，阿弥陀佛正法灭后，过中夜分明相出时，观世音菩萨于七宝菩提树下结加趺坐，成等正觉，号普光功德山王如来、应供、正遍知、明行足、善逝、世间解、无上士、调御丈夫、天人师、佛、世尊。其佛国土自然七宝、众妙合成庄严之事，诸佛世尊于恒沙劫说不能尽。善男子，我于今者为汝说譬，彼金光师子游戏如来国土庄严之事，方于普光功德山王如来国土，百倍、千倍、千万⁴²亿倍、亿兆载倍，乃至算数所不能及。其佛国土无有声闻、缘觉之名，纯诸菩萨，充满其国。”

华德藏菩萨白佛言：“世尊！彼佛国土名安乐耶？”

佛言：“善男子，其佛国土号曰众宝普集庄严。善男子，普光功德山王如来随其寿命，得大势菩萨亲近⁴³供养，至于涅槃。般涅槃后，奉持正法，乃至灭尽。法灭尽已，即于其国，成阿耨多罗三藐三菩提，号曰善住功德宝王如来、应供、正遍知、明行足、善逝、世间解、无上士、调御丈夫、天人师、佛、世尊。如普光功德山王如来国土、光明寿命诸⁴⁴菩萨众，乃至法住，等无有

⁴² 丽本：万千倍；永乐北藏本及龙藏本：倍千倍千万

⁴³ 丽本：覲；永乐北藏本及龙藏本：近

⁴⁴ 丽本：命；永乐北藏本及龙藏本：命诸

异。若善男子、善女人闻善住功德宝王如来名者，皆得不退于阿耨多罗三藐三菩提。又善男子，若有女人得闻过去金光狮子游戏如来、善住功德宝王如来名者，皆转女人⁴⁵身，却四十亿劫生死之罪，皆不退转于阿耨多罗三藐三菩提，常得见佛，闻受正法，供养众僧；舍此身已，当得出⁴⁶家成无碍辩，速⁴⁷得总持。”

尔时，会中六十亿众同声叹言：“南无十方般涅槃佛。”同心共议，发阿耨多罗三藐三菩提心⁴⁸。佛即授⁴⁹记当成阿耨多罗三藐三菩提。

复有八万四千那由他众生，远尘离垢，于诸法中得法眼净。七千比丘漏尽意解。

尔时，观世音及得大势菩萨即以神力，令此众会悉见十方无数诸佛世尊，皆为授其阿耨多罗三藐三菩提记。见已叹言：“甚奇！世尊！是诸如来为此大士授如是记！”

尔时，华德藏菩萨白佛言：“世尊！若善男子、善女人于此如来甚深经典，受持读诵，解说书写，广宣流布，得几所福？唯愿如来分别解说。

⁴⁵ 丽本：女；永乐北藏本及龙藏本：女人

⁴⁶ 丽本：出；永乐北藏本及龙藏本：当得出

⁴⁷ 丽本：速；永乐北藏本及龙藏本：逮

⁴⁸ 丽本：提；永乐北藏本及龙藏本：提心

⁴⁹ 丽本：受；永乐北藏本及龙藏本：授

何以故？当来恶世薄福⁵⁰众生，于此如来甚深经典而不信受，以是因缘，长夜受苦难得解脱。世尊！唯愿说之，怜愍利益诸众生故。世尊！今此会中，多有利根善男子、善女人，于当来世而作大明。”

佛言：“华德藏，善哉谛听！当为汝说。”

对曰：“受教！愿乐欲闻。”

佛言：“若善男子以三千大千世界一切众生置两肩上，尽其形寿，随所须欲，衣食、卧具、床褥、汤药，而供养之，所得功德宁为多不？”

“甚多！世尊！若以慈心供一众生随其所须，功德无量，何况一切？”

佛言：“若善男子、善女人于此经典，受持读诵，解说书写，种种供养，广宣流布，发菩提心，所得功德，百千万倍不可为譬。”

华德藏菩萨白佛言：“世尊！我从今日，于此如来所说经典，及过去当来三佛名号，常当受持读诵，解说书写，广宣流布，远离贪恚痴心，发阿耨多罗三藐三菩提，终不虚妄。世尊！设我成佛⁵¹，若有女人闻如是法，现转女身；转女身

⁵⁰ 丽本：德；永乐北藏本及龙藏本：福

⁵¹ 丽本：我成佛者；永乐北藏本及龙藏本：设我成佛

已，当为授记，得阿耨多罗三藐三菩提，号曰离垢多陀阿伽度、阿罗呵、三藐三佛陀。”

说是经已，华德藏菩萨摩訶萨及诸比丘、比丘尼、菩萨、声闻、天、龙、夜叉、乾闥婆、阿修罗、迦楼罗、紧那罗、摩睺罗伽、人、非人等，闻佛所说，皆大欢喜。

观世音菩萨得大势菩萨受记经⁵²

⁵² 丽本：观世音菩萨授记经；永乐北藏本及龙藏本：观世音菩萨得大势菩萨受记经

● 结诵仪

补阙真言

(三遍)

南無喝啰怛那. 哆啰夜耶. 佉啰佉啰. 俱住俱住.
摩啰摩啰. 虎啰. 吽. 贺贺. 苏怛拏. 吽. 泼抹拏. 娑
婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵^一娑摩啰^二娑摩啰^三弥摩曩^四萨哈^{呼马切}啰^五摩诃咱^{爻上声}
哈啰吽^六

拔一切业障根本得生净土陀罗尼

(三遍)

南無阿弥多婆夜。哆他伽路夜。哆地夜他。
阿弥唎。都婆毗。阿弥唎哆。悉耽婆毗。阿弥唎
哆。毗迦兰帝。阿弥唎哆。毗迦兰哆。伽弥膩。
伽伽那。枳多迦隶。娑婆诃。

(不思議神力傳云。若欲受持咒法。嚼楊枝。澡豆。漱口。然香。于佛像前胡跪合掌。日夜六時。各誦三七遍。即滅四重。五逆。十惡。謗方等罪。悉得滅除。現世所求皆得。不為惡鬼神所惑亂。若數滿二十萬遍。即感得菩提牙生。若至三十萬遍。即面見阿彌陀佛。拔一切業障根本得生淨土神咒云。若有善男子善女人能誦此咒者。阿彌陀佛常住其頂日夜擁護。無令怨家而得其便。現世常得安隱。臨命終時。任運往生。)

赞佛偈

(一遍)

阿弥陀佛身金色 相好光明无等伦
白毫宛转五须弥 绀目澄清四大海
光中化佛无数亿 化菩萨众亦无边
四十八愿度众生 九品咸令登彼岸

南無西方极乐世界大慈大悲阿弥陀佛 一称

南無阿弥陀佛 千称或数百称

阿弥陀佛 千称或数百称

南無观世音菩萨 三称三拜

南無大势至菩萨 三称三拜

南無清净大海众菩萨 三称三拜

慈云忏主净土文

(一遍)

一心皈命。极乐世界。阿弥陀佛。愿以净光照我。慈誓摄我。我今正念。称如来名。为菩提道。求生净土。佛昔本誓。若有众生。欲生我国。至心信乐。乃至十念。若不生者。不取正觉。以此念佛因缘。得入如来大誓海中。承佛慈力。众罪消灭。善根增长。若临命终。自知时至。身无病苦。心不贪恋。意不颠倒。如入禅定。佛及圣众。手执金台来迎接我。于一念顷。生极乐国。华开见佛。即闻佛乘。顿开佛慧。广渡众生。满菩提愿。

十方三世一切佛。一切菩萨摩訶萨。摩訶般若波罗蜜。

回向偈

(一遍)

愿生西方净土中 九品莲华为父母
华开见佛悟无生 不退菩萨为伴侣

三皈依

(一遍)

自皈依佛，当愿众生，体解大道，发无上心。
自皈依法，当愿众生，深入经藏，智慧如海。
自皈依僧，当愿众生，统理大众，一切无碍。和南
圣众。

(净土文及回向偈当对佛跪念，念毕，起身三礼而退。)

南无护法韦驮尊天菩萨



此咒置经书中可灭误跨之罪